欽 定 全 唐

文

欽定全層文卷一百七十四目錄 張橋三 郎 疎 御史彈東宮每乘牛車微行遊諸寺觀左右清道 勒鎮軍大使左聽衛將田慎狀稱安西路遠沙 官物 將侯珪使西域市馬屬積石乏食遂將齊馬價 盡欲益反損請停四鎮者二條 羅食以救之並免飢餓御史彈不承制命擅 磧極深國家鎮遏甚為勞做一住十年死亡) 目家 殆

東宮無事輒發四府兵獵未經奏許所司不言有法左右衛率 太廟令朱景方行太祀乃於散齊而甲喪御史彈 太樂令盧慶狀稱五帝殊時不相沿樂三王異代 一月有事於太社太常博士馮敬有大功喪隱而 虧國法 付法大理斷官減一等徵銅五的社二條 不論遂以行事付法科罪

欽定全唐文《卷一百七十四 太卜袁綱善卜所言立驗有術士崇儼夜無故被 鼓吹令王乾狀稱鼓吹鹵簿國家儀注器具濫惡 太醫令張仲善處方進藥加三味與古方不同斷 情有向背而不言付法太小 請更改修制禮部員外崔嵩以府庫尚虚此 急務判停鼓吹 殺不知頭首使網盆之竟不知賊處御史彈網 又應國姓 不相襲禮請改聖朝樂名大象天下往極為號 一大祭 目錄 非

會期日酒酸良臨署令杜綱添之以灰御史彈 太官丞牵休供祭餘胙肉少依問款稱太常博士 太史令杜淹教男私習天文兼有元象器物被劉 漏生夜睡不覺失明天曉已後仍少六刻不盡鐘 絞不伏云病狀合加此味仰止處分一器 鼓旣晚官司失朝勿漏 建告勘當並實太史 綱款好酒例安灰其味加美不伏科良臨 王均每分內取常多郎中吳爽拔劍割肉而去 條 綗

欽定全唐文 卷一百七十四 光禄寺卿楊裕狀稱掌醢署令呂建居官清整不 皇后親蠶諸侯之小君古者亦有蠶室今廢其事 珍羞令趙慶諸州所進口味割截餉送權門每得 廩犧令王堯上封事准禮諸侯九推今之刺史古 不可以率下親蠶 邀名譽忠肅奉公未蒙進考掌臨 好官衆共談薦名實相反深虧國章一條 太官 之諸侯今刺史無籍田處不可以訓農籍田 條 月錄 ____

滄州弓高縣實性寺釋迎像碑 價次網佑三十價斷絞不伏·漢官 東宮署令姚泰盗用進米二十石上米倍四十

飲定全吾文人悉一百七十四 徒開黃鵠之歌高昌入朝即動金驢之唱陳湯斬首之 鬼域遠絕人區綿亘三十六番經過數萬餘里公主遠嫁 欽定全唐文卷一 靖郅支班超定遠之蹤俯臨蒲海戊已校尉鎮靖遐荒 張舊三 望蕭條龍堆莽荡迤邐白繭之表迢遞蒼松之外傍通 疎 勒鎮軍大使左聽衛將田慎狀稱安西路遠沙 盡欲益反損請停四鎮都二條 積極深國家鎮遏甚為勞弊 百七十四 張橋 住十年死込殆 烈

申 炎漢猶拓土以開垣赫赫隆唇擬抽邊而削地誠合解 都護羌夷招攜異域田慎名參越騎位典戎轁仗節烏壘 肅朝章所請無端告記為允 前揚旅絳賓之右不能因利乘便躡充國之英規矯 使皇威曠蕩莫漸於流沙聖澤滂沱不行於近磧區 鎮功無縮地阻境界於邊庭虚奏聞天失威嚴於大 耿恭之無退豈得暫辭艱弊不顧宏圖繼住十年即 功展陳湯之盛績羸師遠入追廣利以長驅煮弩充飢 即 將侯珪使西域市馬屬磺石乏食遂將齊馬價 區 退 國

臺奏劾合寬嚴科棘署論刑更宜推鞫待知的狀方可 輒 雷之舊墟馳不霜之故地東道之駁仍未交關西迴之兵 欽定全唐文《卷一百七十四 大宛之國舊出名駒小月氏郊素宜良馬出陽關而直望 若逢兵餓汲黯之擅無傷矯費齊資敬聲之狀無捨 爲賙賑但重人賤畜往哲之嘉謨救死扶危明王之威 見平沙歷險固以退征惟多積雪秋風旦慘白日黯 昏寒雲夕愁黃塵暗而無色斜衝鳥弋直指龜兹踐無 官 雜食以救之並免飢餓御史彈不承制命擅 物 張橋 柏 用 而

控 列長子之宮望重銅樓紫極篡承挑之業濟南鳳集天 天孫東岳有國之元儲帝子前星通那之上)彰清河蛇盤靈資早應丁讓職性清道務掌干城列 於瑶山典戎旗於望苑自可畫堂之側肅肅霜戈下觀 王 檻以疏源日月重輪順珠囊而叶度位隆 御史彈東宮每乘牛車微行遊諸寺觀左右清 府左 不設儀仗殊失禮容所由率丁讓等並請 二右條衛 傘 嗣 銀膀青 河海重 骨

訓 街中曾無覺察遂使盤遊無度玩好非宜日遠之對蔑聞 飲定全事文人 然一百七十四 殿處奉桂宮識命玦之無歸知玉米之可惜春誦夏紅 重 星流之瑞徒應昔乘小馬尚致譏嫌今駕牛車深乖 所由既不匡正羣下竟未上聞虧失朝章理須明 之前森森電戟何得安細針於座上竟未匡毗帶長劍於 先有常儀冬書秋禮之規非無永範何得不遵爽教專 離明兩允屬利貞一日三朝實歸仁厚府官等肅承蘭 東宮無事輒發四府兵獵未經奏許所司不言有 虧 國法 張鰲 典則

袓 擇賢才自然鶴禁長清龍居水肅 表進不能諫退不能言虛曠國班謬尸天禄並宜削點審 風 事荒淫逐迅羽於長林接輕肥於淺草南皮射维好樂無 熙東門逐兔長驅不已籠山絡野恣盧犬於平原冒雨 考敬事神明既申如在之誠幸起不欽之罰若嚴種有 縱者鷹於廣澤一兵一馬皆奉嚴符作出乍歸皆憑獻 給之禮列聖之攸先吉禘之儀明王之令典莫不尊崇 ピリングラニー 太廟令朱景方行大祀乃於散齊而弔喪御史彈 付法大理斷官減一等徵銅五斤太廟郊 侵

爲通允 典龍旗是禱俸革鷦鷯信馬來朝威儀肅肅理須恭敬乃 黷齊明肅承顧廟處奉問宮方行盟滌之規有事宗種之 志靜慎其心玉瓚之獻克修金罍之壽斯薦何得散齊之 ここして ここと ここり 則亦雁降於祠宫祭謁無虧白鶴鄉於清廟則有輕饗薦 失禮之愆宜從明憲官減 还祉之辰周澤之潔無聞荀或之容先發長驅馬足便 伯之家頓作驢鳴乃向仲宣之室不恭之罪法有常 月有事於太社太常博士馮敬有大功喪隱而 長馬 等銅坐四斤數外更求

欽 社爲土主稷是穀神侑以姬周之祖配以烈山之子納簽 雀於青疇掃飛蝗於翠畝則千倉歲積三農之聚有餘萬 建五色之靈壇薦以牲年具三重之芳酎八音間發六舞 受圖之哲乘乾執契之君莫不崇尚其道肅恭其事夏殷 祝之詞頗達六祈之訓帶斯凶服輒入禮宮御史奏彈 庾年登九載之儲斯溢馮敬身居典禮職在秩宗應知六 馳社主享而成休明靈歆而降福命三老率百神應瑞 定全層文 卷一百七十四 運仍開松柏之裡漢祖登朝復設粉榆之祭分其玉帛 不論遂以行事付法科罪 四

禁彈無反坐律須執文枉被凝霜理須清雪 大臣と事と、と一写七十四 徵主夏而角主春導彼五音宮動脾而商動肺天則不言 成孝敬而厚人倫快耳娛心感鬼神而通教化調兹六氣 而信故奏雲門以祭天地則不動而生故奏咸池以祀地 奉法詳刑結罪須按科條廟享誠則有違社稷元來一 之天子制禮以安人昔者明王作樂以崇德移風易俗 太樂令盧慶狀稱五帝殊時不相沿樂三王異代 不相襲禮請改聖朝樂名大象天下往極為號 叉應國姓 一太樂 張橋 丘

替故詳其律呂師曠知其盛衰察彼軒懸延陵識其與廢 **味桑間濮上流宕总歸下里巴人奔波逐遠聖朝均四** 道 竹廉直正誠之響發而人肅恭粗厲猛毅之音生而人 調 自王澤既竭風雅莫流文侯聽鄭而不寝孔子聞韶而 健哀思爲心國之典其政陵遲怨怒爲亂世之音其風轉 則無象而化神則不怒而威故暢之以鐘鼓娛之以絲 德和省其文而心正盧慶職參樂令匠典倡優履 之儀俯定並英允叶昭容之典歌九敘諷六詩聞其聲 ダノごろう タニーニ 風聽鳴鳳以和音命飛龍而度曲上通咸夏式隆殷 剛 念

節尤裨聖化甚益皇明宜下太常先宣美號 誻 和 名深陳雅稱執大象而天下往其德爾長行大道而海內 見鐘隱隱隨九變以交馳體鼓逢逢和八音而間作或短)前軌躡曹衰之舊躅以為質文遞變禮樂殊途輒進嘉 牛鐸千童萬舞共朱雁以齊行八佾九歌將赤蛟而合 其風載遠命伶倫而討韻雅合變鐘召荀勗以調聲 鼓吹令王乾狀稱鼓吹鹵簿國家儀注器具濫惡 急務判停鼓吹 請更改脩制禮部員外崔嵩以府庫尚虚以 大大大 自

欽定全唐文《卷一百七十四 羊我愛其禮速令鳩集請勿狐疑 虧去食去兵禮樂如何輒廢王乾狀請崔嵩判停爾愛其 簫横引朱鷺鏗鏘或長笛手吹紫騮凄切東宮所設殊 楓天棗地觀倚伏於無形方智圓神察幽明於未兆百年 經 列代之規平閣爰施亦匪先王之制然國家儀注須應禮 既崇鹵簿之班又惠功臣之錫有家有國朝章不可暫 太卜袁綱善卜所言立驗有術士崇嚴夜無故 情有向背而不言付法太小 殺不知頭首使網筮之竟不知賊處御史彈 引力

紫參九筮之班藝審干著之訣東方朔之暗射指掌可 力口 潤 淳 泰 刺客遂隕輕姿遇袁盎之讐人俄頃重至莫知賊首須察 斯 心蜀 澤遺豹冠於獵所逆見蘇辭懸馬鞭 于智之精通毫釐無失均趙達之回筋 之求棋縱橫必中有 綱 行數實緊有徒崇嚴薄解醫方微知小伎遭費律· 尚 辨吉凶五德雞占猶知禍福長安季主不以祭辱 為研尋竟無的狀將為隱避爰被奏彈理須直 郡嚴平不以衣冠介慮袁綱雅望四兆妙達二 蛇街筆立定徽祥有蟻開封行) 長流 於樹間預知貧富 要妙如神比 臣

恐虧平典 易傳之微終從大戮知有所不察神有所不通旣處重刑 號神明不能脫夏豢之網郭璞洞林之妙竟被嚴誅京房 生之藥必藉良醫乏返魂之香誠資善療張仲業優三世 正途不可偏居小節何也龜稱聖智不能免宋元之鑽龍 多定全居文 卷一百七十四 方極四難非無九折之能實掌萬人之苦郭玉診脈妙識 情失候多生心腹之災六氣乖宜必動肌膚之疾絕更 大醫令張仲善處方進藥加三味與古方不同斷 絞不伏云病狀合加此味仰正處分太醫

譽聞寰宇聖躬述譴謹按名方肅奉龍顏須窮鵲術豈得 陰陽文擊觀心巧知方寸仙人董奉之靈杏足愈沈疴羽 欠日三日に一大三十二十 不遵古法獨任新情棄俞跗之前親失倉公之舊軌若君 客安期之神棗攻兹美灰華陀削胃妙達古今仲景觀腸 臣相使情理或通若畏惡相刑科條無捨進劾斷絞亦合 毋失權衡 甘從處方即依誠爲若屈刑獄之重人命所懸宜更裁決 太史令杜淹教男私習天文兼有元象器物被劉 建告勘當並實人條

爲先覺讓周之論蜀滅杜瓊之說曹與此思代之攸欽邦 變所以無差五星叶度於上萬物和平於下杜淹位參義 粵若顓頊命南正以司天昔在帝堯列東官以賓日履端 仲聲振子章覽沮誦之前規遵史談之舊典星聚東井逆 氣其關不爽分毫之信宮居太后風已上聞宋起真人豫 於始序則不愆舉正於中時乃不成自秦稱金費切五 宏綱漢起玉雞叶三微之遠度徵洛下命唇都改大行 始終心伏羲夢周旦步太初之盈縮四營因之式序八 休徵月犯少微懸知應變使星已發無違寸景之期 万百月了 第一百七十四 勝 劍

挈壺所掌司刻成班銅史分曹金徒啟位陰蟲成魄恍惚 次定色事之一卷一百七十四 輒聚史局何廢流行准法無辜按宜從記 元象父爲太史子學天文堂構無墮家風不墜私家不容 爽來寒暑由其順序自三苗亂政五霸任權史官丧紀時 家之要籍淹之少子雅愛其書習張衡之渾儀討陸續之 廢業孟取於馬姓候攝提所以乖方五夜不分六日 神靈蛇吐津希夷若鬼日不藏往晦明之所莫達月不 漏生夜睡不覺失明天曉已後仍少六刻不盡鐘 鼓旣晚官司失朝刻漏 張橋 7

節 分 刑 稽乾象列酒旗之星下鑿坤儀制酒泉之郡杜康至 聖朝修百王之弊政舉千載之顏綱龍首應時難人合 弛慢吐號乖宜朝官顛倒於衣裳街吏失期於鐘鼓 望曉莫聽鐘聲京尹失時空奔馬足漏 大小之候共砌炭以凋樂昏旦之期逐宮槐而舒卷 至無虧余遂之蹤大餘小餘允叶容成之度何得漏 と月ラララニ 會期日酒酸良醖署令杜綱添之以灰御史彈 綱 款好酒例安灰其味加美不伏 Ľ 司乖 科 錯 良 條醞 准 論 綱

酸而 須明五齊之規頗解三酒之術十釀之法竟未留心九醞 神 肇發馨香儀 狄精微 妥施麴葉用之於宗廟可以歌享百 次にと与し、第一年に十日 侵 理盡方啟遁詞 之方曾無介意雞鳴下釀取蘭香而桂辛鳩集爲徵遂棗 味遂使聖人賢者變易常滋從事督郵乖違舊性事窮 誣巴鄉實功枉遭塵點旣虧竹葉之術宜從棘木之 用之於冠婚可以諧和百姓杜綱名班釀署官列 梅 酢懼貽災譴密縱奸訛頓下生蠅之灰用添浮蟻 太官丞李休供祭餘 觸 網掛羅安稱前例豈得索郎清德横被 張嬌 **胙肉少依問款** 稱 太常博 酒品 科 冒]

萌緒為郎中吳爽强割逾豐博士王筠叨分太廣拔劍割 内魏方朔之能仁詣府退魚謝公休之貞潔匪張華之職 剛鼠柔毛備諸獎典李休位點主守職館太官雖無負鼎 之功實委操刀之任餘胙內欠頗有指歸依問款詞具陳 先有成規輕媒鬼餘賢聖非無舊識明師疏趾具在常經 金ラとよう一分ニーコーロ 分數粒仍多同廉頗之無厭百斤不足非慙非恥與草狗 祀與戎國之大事祭公不循人之常禮班賜神惠多少 一太 條官 王筠每分肉取常多即中吳爽拔劍割肉而去

龍醬蟹醬之流千齡不易呂建策名膳府委質庖官既堂 竄遐荒式清朝列 免轉實司蛟鮓鶬寒四獸之腊岡 接神明用之禮儀可以寧那國紙臨雁臨之類百代相 籩 而 無注意鹿牙之粉馬齒之鹽點以鳳林之酢飲以鳥程 不殊惟暴惟貪共茅賜而莫别深虧推蹋實盡名流官 豆之事各有司存鳟俎之間非無主守陳之郊祀可以 光禄寺卿楊裕狀稱掌臨署令呂建居官清整 邀名譽忠肅奉公未蒙進考掌臨 長部 不留心羊蹈五侯之 因

一多定全唐文 卷一百七十四 之若孟宗遺母猶避嫌疑杜豫的人惟求免罪忠以奉上 疾於孤醒不屈於人終見排於衆醜楊回三逐威德宜 酌貪泉而彌清廉以當官置脂膏而不潤朱文季執心强 張旣十年公平可錄理宜甄拔以勗朝 直 無儀人間之有糗鬼江淮果物荔枝龍眼之珍河濟飴 一柴位騰遷黃叔度獨守恬虛聲名藉甚不求於物遂被 慶伝婚為姿韶諛成性貪殘不軌獸中之有餓狼輕薄 珍羞令趙慶諸州所進口味割截餉送權門每得 好官眾共談薦名實相反深虧國章 班 一珍羞

求道 |語事買證阿附董賢徒有事於苞苴不自親於機杼盜家 大 美疑鶴集豹胎龍脇鳳腊猩唇越俗鳴蟬之稻安定噎鳩 **乔逐以率羣僚** 財 之麥趁超雉伏謁宰輔之車前跟踏蛇行拜公卿之馬首 米蘇馬鞍之妙石蜜百花之藥味是蜂調甘瓜五色之香 日かられて、火により 而餉家長人路難通偷社酒而勸社神冥途未許鼠竄 小人引之以為能狐媚取容君子得之而不貴宜從 廩犧令王堯上 諸侯今刺史無藉田處不可以訓農者 封事准禮諸侯九推今之刺史古 張嬌 條田

漢書十志農為有國之基洪範九疇食是生人之命由是 勤 容有崇於古訓潘岳創賦備陳執耒之端曹植爲文具述 帝之遵崇斯爲后則王堯職參廩署位掌甸師欽承北 古之聖帝躬事三推昔者明王親行萬乘體鼓震地變與 之尊祇奉東郊之典欲使載英之詠無替於前修保介之 動 百司於是駁奔三公以之肅事紺轅黛耜克遵應劭之儀 万百厚了 第一下十十四 私之美以今之刺史古之諸侯既稱字養之官實曰教 耦朱紘允備曹聚之禮周宣王之寢廢自有前譏漢文 天聳鳳葢以來雲建龍旂而拂日青壇岳立翠慎煙平 極

四祇若壇飛羽爵便為勘稼之方門列奉牛即是過農之 候更施別法於是爲煩 戴勝降桑之日駕惟就列一十四位導其前驚服斯臨 逐展鞠衣之範暨乎姑洗應律甲乙司辰鳴鳩醉椹之朝 平土就蠶彰乎曩烈豆山成繭著自前書爰崇黻冕之宜 人之首若令沮勸必在躬親此雖識於朝三猶未聞於墓 十官隨其後繼鑣順動翠葢鬱其參差鳳轄徐飛翟羽 皇后親鑑諸侯之小君古者亦有蠶室今廢其事 不可以率下親盤 7 長長で 百

昔三王季末五霸凌遲禮樂自出於諸侯征伐不由於天 紛其容裔懿筐是執柔桑是攀勸以女兒之蠶收其園客 多年全唐文 卷一百七十四 未通方如愚所裁告記為允 式聖朝八紘同貫四海為家芟往帝之澆風削前王之弊 政自我作古何禮之拘化俗調恥斯為折中王堯所請理 子遂令列國命婦竊三宮之禮容連伯嬪嫱僭九重之祕 一繭三盆事畢可獻之於王公六服功成可陳之於宗廟 **漢官署令姚泰盜用進米二十石上米倍四十** 價次絹估三十價斷絞不伏巢官

豈得安定之麥不進中宮長安之米竊留私室刑名極峻 萬畝五種燕頷之粲粒若流珠六月猩白之租精如散玉 驅象而耕三農以之告稔彩雞屢見非無白壤之儀春鳥 大三十三十八名一丁七十日 之禾實主鳴蟬之稻赤鳥積縣水栗千倉黃雀隨犁秋苗 受其飢三載斯盈海內霑其潤磨昼而轉百谷所以繁滋 輕瑞銑以投竈王不可衣棄和珍而抵鵲一日不作天下 務農重穀曠代之葵典稅熟貢新經邦之雅訓金不可食 法馬可逃情狀難容死有餘體但平贓定律必依高估供 不鳴自有黃雲之應姚泰策名列署受委纂官專司瑞鵲 張橋

金与月月了一天一下十一 坤 進所須宜從極價論次練 证 覺出氤氲之表故能使九十六道紀菩提之一門 揚 天貫須彌之四頂振嵐飈而吹大塊運僧祇於延值 失元天北列運斗極於璇樞大地東傾鎮江河於王出 非長久之器豈湛然常住大雄包混沌之源寂爾 現 則 智炬而樂洪鑪置賢切於陶鈞之上 梅明無定義舒為朝夕之資動靜則虧缺有時 滄 州弓高縣實性寺釋迎像碑 而歸無其來也先地而生故因生而示有青霄 E 則狀當絞坐准 其去也後天 뒫 無 生 乾 而

樹 帝座降靈氣於中胎白淨王宮孕神安於右脇蓮乘七步 常身本無顏色至人垂教遂有形儀開滿月之奇姿韞 往 神 欽定全唐文 卷一百七十四 持慧燈而耀長夜揚法舸而救迷津為塵品之醫王作 法 天之異相髻銜龍髮頂秀螺文萬印生於瑞手干花發於 其震動光入太微星垣為之不見法王之應跡也妙覺 來不窮之謂聖陰陽不測之謂神不化而行不言而信 足蓮開青目毫光照於四天花點丹唇頂彩周於十地 下六年薦玉象於祥符啟金人之瑞夢影流中國大地 王之寶相也具一切智號悉達多通萬物心名希有相 張橋 主

由其絕 卽 訶 生 維 居十翼之先二諦微言邈矣出三清之表法王之威德 二手分其畫夜目連持線天地為之顏綱舍利投針山 降跡苦縣誕猶龍之彦仲尼禮樂之標首仰至聖於 之慈父法王之至仁也法忍智忍牵難忍以皆空無 陀天上飛閣神功舍衛城中香臺造化百千妙界生 翅之問十二音聲出於象牙之表金繩百丈下照日宮 伯陽道德之真宗訪古皇於天竺故知一乘妙旨超然 心總羣心而俱攝珊 紐法王之神力也儒童毓慶闕里生歎鳳之聲厚 瑚江海 指 測於波瀾琉璃日 业 月 'Un

變作樓臺之影法王之壯觀也佛中佛日天上天人金 色而色是空聖愚不知其要妙法王之教化也法身無 談空運迎維於宇宙合掌腹內思聞十善之音聲舒翼殼 蛟若星中之月非有相而非無相凡聖莫測其幽微空是 珠網七重傍臨 於西方銀函泊於東夏無能問細寫釐激於波流有 定全唐文《卷一百七十四 因像以宣功道本無言亦因言而示教塵俗不可以 針旁級區分小有貫花之句光如水上之蓮說偈之音 相四天之說法法王之仁化也高梯直上包括太虚 月殿萍流地上化為池沼之形花散 張橋 其

風塵撲地我高祖神堯皇帝傍迴地軸蹴崑崙以西傾 萬國歸依慧日被於三千法兩流於百億周穆王之代聖 編龍神有所歸叢林為之變鶴從滅至滅能通寂滅之 處故厭世而歸空真如不可以道標故凝神而降跡吾之 無生示生永入長生之地法王之變化也由是八方迴向 屍圖澄永去西域默經之路荆棘參天東郡畫像之郊 也因辨無常吾之來也因談緣起情有所至河海為之 而天地屯赤龍發而干戈起秦川涌血羅什不歸趙 方融漢明帝之時慈風漸扇年移晉宋運屬周隋蒼點

實極神之秘宅毓慶之神區者哉寺主久依定水早庇禪 競落螺宮映水枕藕關於黃河魚梵吟風接蜃樓於滄海 欽定全唇文《卷一百七十四 休之妙觀襲遂解繩之邑實線爭施曹丕沈李之郊天花 宗文武聖皇帝仰握乾符掃機槍而南減削平微濱舒卷 休功濟有綠業優無學意花不染宏上善於慈心勝果爭 領將軍之舊業爰於此地迴構乾堂與八會之香臺關三 風雲芝毒樹而建祇園拔邪山而開福地實性寺則貞觀 三年奉敕之所建也平原控趙渤海臨齊上衡畢昴之星 職衡漳之地浦稱駿濱馬頰太史之遺蹤地號弓高龍 張舊

帶崇基而穀轉虹梁曜日煥若神行鯨棟疑煙故非人力 露之門自得醍醐之性驚珠護戒標苦節於堅林龍鏡澄 攀察中乘於慧眼非色非相疑神究竟之端無我無人高 蹈苦空之外上座都維那等並尋舊領訪道雞園歸誠甘 功 思於天關靈機不測魚鱗翠瓦逐層閣而舟移雁齒青階 寺内去舊處三百餘步設奇功於地道神妙無方窮逸 照真規於靜域以為修身者福福遂則殃銷堅善者功 則綠發旁求大匠廣召山處粵以儀鳳二年移實堂 動似忉利之飛來紺殿雲浮同化城之涌出豈

葉起金鑪之上千軀聖像據六地而揚音八部龍神下三 實相端疑粹容圓備蜂王獻蜜紛飛紫紺之樓龍女持花 之翠鄉人等九州令族四海良家提龍劍而星馳撮犀渠 出 次定全喜文 卷一百七十四 屢警七重黑暈萬里黃沙旄頭干太白之精素髮挹中台 天而奏樂斯乃元功幽贊故無德而稱馬調露之初邊烽 一鈴金範素寫腰圖青野象浦之靈珠琢龍泉之羽壁鮫人 水織競送霜綠蛾客抽絲爭投雪線七重交映百寶莊嚴 威神自在不可思議者哉於實堂内敬畫釋迎尊像 入珊瑚之殿諸天獻果芙蓉生寶座之前居士焚香柏 張鷟

為高宗大帝星珠斂耀斗電潛輝御鸞鳳於金與邀攀龍 表陰山霧廓瀚海波清憑慧力而服魔軍持廟算而推 馬家之殊姿漢太尉之名家履龜文之異相實琮出刺 慶使持節滄州諸軍事滄州刺史李公嗣庭堅之雅操 而電激為鵬爲鴞輕飛雁塞之前如虎如雞迴嘯狼居 子共申宏願植此豐碑記歴代而長存惟令名之不朽奉 大業疑情三昧早慧六通坐蘭掖而虔誠仰茨山而展 鼎崎妈皇與裔姬妙降生斷整立極之神功乘龍御 而肅百城延壽開居閉閣而級千里長史北平公晉 - 1997 33 - 1

張行昇等並周靈王之太史仙人白鶴之苗裔帝嗣項 我摩雷之翼鄉望某等並地鄰那會境接燕齊俗富詩書 鸞晓集丞太原王愿主簿隴西李灌尉河東衛神選常山 踐形弓之錫横綺琴於膝上翠翟朝馴攬明鏡於懷中 行弓高縣令晉君嘉禾獻瑞門傳翠葉之風鬯草襲勳業 終非百里之材王休徵之佩刀實有三台之望朝散大夫 尉之龍首有虞陶唐左相之榮實兼平景麗士元之展足 金鬱靈符於寶軸驥從東道方申逐日之功鵬舉北溟皆 儒宗柱史青牛之葉胄羊車映玉與昇氣於淮川鵲印流 次定全事人家一年二日 張嬌 L

太虚混沌寂寥沈默二儀旣判三才允殖地缺東南 旁求翠玉遠播鴻徽刻龍首於銀鉤鑿龜文於玉版蓬萊 德 之 重宣此意而為領曰 家豐禮樂海隅鷗狎猶存射雉之規河朔鷹揚仍帶爽鳩 西 俾夫天銷切石瓊文寫而無窮地入微塵寶字書而不滅 水三尺孤標褐館之前扶桑之日再中獨立金臺之 氣雋不疑之故里氣調魁梧石仲容之舊墟英靈俊 ガイニティン 一名一下十十日 由名顯功以領宜非筆無以申其功非言無以敘其德 北陵遷谷轉山開水塞月滿則虧日盈則是大哉正覺

吹定全事文 卷一百七十四 合兆龜書應墨綺級星浮金鋪電絕地神獻果天廚送食 在即牛口西來馬明東防王偈光故金言允克碣石燕郊 星間量黑爰憑淨居翦除荆棘雁塞消氛龍樓受職銀書 動翼閣似雲行樓如鶴息日逐階旋天從橋匿野外塵黃 平原趙國雀臺西指蜃樓東届建此神區爰崇淨域龍圖 銷滅五苦削平六賊水號連河山名檀特六度斯闡三明 指掌乾坤曾應聖人立教用形表則實相端嚴粹容歧疑 竟元不測先地而極後天而益不滅不生無聲無色曜魄 八會雲平三門箭直實堂移轉神通智力飛檐振羽虹梁 張橋

名之不朽或馳芳於百億 圖篆放神功於翦刻孤標九流之間獨立金臺之側惟令玉版鐫名記德臨雁塔之階基對蜂臺之閩域窮逸思於

欽定全唐文卷一百七十五目錄 ましたことにはました。 かんにはなってん 張東之 桓彦範 崔行功 請窮治張昌宗疏 贈太師魯國孔宣公碑 論時政表 請罷姚州屯戍表 對賢良方正策 目錄

			駮王元感喪服論	對賢良方正策第二道	一多定全唐文 第一下十一五

是故雕刻為妙物之先粉澤成真宰之用若其明語兼智 則聖非攘臂之端莊寄齊諮則禮必因心之範雖九流爭 臣聞形氣肇分宗匠之塗遂廣性情已著名教之理攸與 蘭臺侍郎卒 通事舍人內供奉又召為司文郎中主朝廷大典冊後遷 行功恒州井陘人高宗時累轉吏部郎中以善占奏常兼 欽定全唐文卷一 百七十五 崔行功 贈太師魯國孔宣公碑 宝テカ

欽 長百家競逐而宗旨所歸典墳攸係夫軒羲已謝子姒迭 郊裡之禮還稱跨集胥之逸軌邁龍鳥之遐風瞻白雲 之跡已周組織心靈範圍之功且峻利仁以濟幽顯垂 風 以霑動植自嘆起臨川道窮反袂西峯琬玉幾燼蒼山東 定全唐文人卷一百七十五 步驟殊方質文異轍及流樣起誤箕服傳託憲章板蕩 柔桑多塵碧海屬混元再造休明一 雅倫喪然而千齡接聖崇朝可期五百見賢伐柯未遠 介邱翼蒼螭而過沂上而令干祀之外典冊遂隆九泉 上哲降生地運理接化先德充造物財成教義彌 期雅頌之音復聞 而 訓

空成寂寞信陵之墓徒復經過將知龍蛇之蟄潛契於天 嘉為大司馬弗父何以國讓其弟厲公正考父佐戴武宣 覆夏仍遷象物之金有客在周復奏桑林之樂滋恭喻口 臣之鼎高讓挹延吳之風令緒昌源煥乎已遠至如象緯 壤聖智所遊高懸於日月言之不可極其惟孔太師乎太 之下哀荣方縟斯乃命為罕說道不預謀豈如箕山之魂 天命元鳥玉篋隆其濟哲瑞啟白狼瑶臺繁其錫類武王 師諱某字仲尼魯國鄒人有殷之苗裔也分於宋則孔父 而受三命居於曾則有防叔伯夏叔梁統統生太師若夫 Harry Carlot and American 生テカ

鬱符中野之祥水帶印阿遙均反宇之慶韞乾坤之精粹 欽定全唐文《卷一百七十五 **長宏言詢易象曲臺相圃廣陳揖讓之容師擊師襄屢辨** 凝質則傅說巫成嵩華降神則申伯吉甫在於郊臨巨跡 興亡之極網羅六藝經緯十倫加以思入無方情該至贖 周室猶且學期上達業遵下問龍如藏史或訪禮經碧准 形子產皋縣微詳於具體孟孫言其將聖太宰辨其多能 陶陰陽之淑靈度九圍十河目海口放勲文命有喻於儀 陳庭矢集懸驗遠飛季井泉開冥占幽怪新萍泛日能對 神關緊表性與道合時初撰屢已訓魯卿年未裘裳先窺

之旨不可以龜策求不可以奎蹄得及其譽聞曲阜南宫 於楚賓舊骨淪風旋訓於越使藏往知來之際微妙元通 得其攸宜秋令克宣兩觀展其刑政溝疏墓道且抑季桓 恨於與周亦流連於韶管然而高旻不惠彼日寖微起哀 展師資之敬應務中都西鄰化諸侯之法冬官效職五土 問津匪倦俎豆嘗說空及三軍之容季孟有言不接雙雞 之膳晏平推士尚或相排子西讓王終成見拒亦有宋朝 怨於王風絕歸飛於鳴鳥是邦可化斯道欲行暖席興憂 田歸汶陽遂陵齊景尊君卑臣之訓自家刑國之術每問 10.10 January 10.10 1.10 1.10 1.10 崖行功

多定全唐文 卷一百七十五 還序博約無倦誘喻多方后稷躬耕近關勵物伯夷餒死 之心儀封細人潛明木鐸之意旣而在斯與感用輟栖遑 司馬喬木難休衛國匡人逆旅焚次荷黃微者翻嗟擊磬 覆簧為山喻天階而不陟讀易無過假日蝕以鳴謙於頓 地幽知十稽微得二承妙科斗所載方閱舊文睢鳩在篇 在簡斐然彌嗟穿鑿旋驂舊館掃筵闕里杏壇居寂緇林 征伐立德立言太上謂之不朽曰仁曰義前哲以之周旋 猶可激貪周公其人則神交於夢想管仲小器則歎微 詳雅什河漢鞉鼓鏗鏘之響復傳宗廟衣裳升降之 人儀

欽定全唐文《卷一百七十五 易簡是知縫掖乃兼濟之途華袞非爲政之要及其愚智 俱纏至極之哀國史制詞永錫怒遺之誄及挺深夏屋樹 化谷小天下而無由殞石沈星架大梁而何有門人議服 齊派椿菌如一 峒山寄言於獨善岐情風御未陟於通莊妙臻數極作 封有述殘闕載陳甘露嗣蹤按揚復起春陵受命先訪於 分過乖大義素人 列遠方五勝迭遷六籍無準席間初関已好後言入室且 與負杖知命發於話言夕寐奠楹將萎傷其温慮崇 南楚狂狷舊辨鳳衰東會陪臣奄成麟斃 八蛙沸遺燼翳然漢代龍驤挾書未剪元 崔行功 29

芹藻之詩先遠戎衣初卷羽籥之節旋與皇上以聖敬而 環林鯨衝聖海有隨交喪中原期覆東序南雍鞠為茂草 膠庠譙郡膺符多招於文學逮江馬南度泉鶇北飛鴞入 封浮龜吐綠文之籀處岸殷塾廣賓麗叟蓬積石渠朋延 化入龍沙風移鯷海金邱展賣瓊田鷹緊潛馬飾黃芝之 六樂五禮皆從燬室欽若皇唐肇膺明命祖武宗文之業 敦誨垂衣裳而疑想虛旒纊以永懷至於大道寖微小 撫璇圖以文明而膺寶歷夏啟挹其光光姬誦讓其惟清 天成地平之數圖書因樂推重干戈由寧亂集勢舟創浮

欽定全唐文人卷一百七十五 **嚴於荒墳識棧檀於古遂數重泉之可作聞盛德而必祀** 過大庭以省方掩冰上而觀藝曼居莫辨祠堂歸然見馬 泰壹有輝山祇傳聲海神會氣九皇之况樂可嗣三代之 時多間然建武永平業非盡善而過作樂崇德殷薦之 闕典還屬迺使朱鳥翔日蒼威戒路七萃騰景八鸞錦風 歸功三后尊祖之誠愈切詔寰中而徵萬玉譯荒外以召 百靈一芽分茹雙鶇共羽翠華遠昇秸席虛位上帝儲祉 遂往嬴譏紫色謬踐元阿劉風白金徒邁高里黃初正始 ·陳有孚載容觀下之訓齊設肆類羣望孝享之義益隆 崔行功

今德於時皇唐之御天下四十有九載即乾封之元年也 賴紫拖絢點黛飛文沓拱重爐春窗秋幌陰櫚積霧複閱 綸誥定徒換日疏開雜遠接泮林之舊遺削靈光之前殿 言敷與訓廣命行材贈以太師式旌幽壤改制神宇是光 黄屋名器則殊卷傾素王感召宜一顏子侍側似發農山 有訪七聖接其縣驗汾水言遊四子冥其衡軛將謂布衣 懷煙几仍度室席遵函丈壽宫煥然賥容有穆至如襄城 祖來新甫伐喬木而韻流嬰岱吠泗濱採怪石而宣浮磬 攝提貞歲勾也獻節兗州都督霍王元軌大啟藩維肅承

飲亡全事文·参二百七十五 楊裘循爲得禮避席延其不敏舍瑟滕其幽情共列升堂 嗟業兮麗萬代其詞曰 遂迺思建隆碣上聞天展言由國本理會沖情副震宫之 之談季路承閒如與浮海之說西華東帶尚以要賓言便 德聲命芸閣以紬須元堂闢兮神靈俊揚教思兮兩儀配 齊參親與歲時蘋藻復雜昌蒲平日粒歌還聞絲竹皇儲 煽皇綱兮融帝載堯可履兮舜爲佩晝而明兮夜而晦干 而以周穆之觴王母尚勤西弇漢帝之展稷邱因書東嶽 德聿隆三善博望邀裾肅成講義發揮鎔造幽贊事業 佳行功

編於七十思階東會藏書西入楚將分社齊聞與包接與 家承蹲龍運舛振鐸冥膺闕典攸緝斯文載興廣訓三千 散亂紀言支離方冊自天生德由縱成能賓筵烙嗣銘鼎 朝變憲章時革周廟傷未殷墟悲麥褎豔紀雅嬴荷淪贖 樂和人神成期用簡業尚日新粹無聲臭騰有獎倫水火 為道政若鎔金化件偃草爻畫先起律吕創陳禮節天地 赫赫上帝悠悠天造神集鴻名聖居大寶循性稱教率性 那傳頌管編照書章小商承絢顏子參微堯則不追昌亦 狂長洱空執在智伊妙惟神乃幾羊因魯觸鳥向陳 ノコーラニー

遂往名教潛發心靈泛獎德配乾坤業暉辰象麟悴遥泣 山價夏仰三統昌日干齡聖期裡宗有昊展禮崇基觀宣 次定全事文《卷一百七十五 光而不缺 題訓允歸聖烈肅穆仁祠陰沈像設隨四序以潛運懸三 靈宇虹梁野構學翼林舒雕權編桶圓井方疏沂童浴早 時邁神緘孝思絳螭承軛翠鳳翻旗上浮龜家遥集鄭曾 泮鳥鳴初俎豆蠲潔丹青藹如墨檢前雖莊放遺轍於昭 翹勤眞跡惆悵今古舊壁迷字荒墳翳斧綸賁宗師詔緝 桓彥範 崔行功 桓彦範

彥範字士則潤州丹陽人少以門陰調補右翊衞累轉司 昔孔子論詩以關睢爲始言后处者人倫之本理亂之端 立追復官爵諡曰忠烈建中元年重贈司徒 扶陽郡王加特進令罷知政事又因三思誣構貶瀧州司 馬長流瀼州三思令周利貞矯制杖殺之年五十四睿宗 拜納言賜敷上柱國封譙郡公改侍中用武三思諧進封 也故皇英降而虞道與任奴歸而姬宗盛桀奔南果禍階 刑少卿中宗即位以誅張易之昌宗功加銀青光祿大夫 論時政表

京師喧喧道路籍籍皆云胡僧慧範矯託佛教詭感后妃 外朝專在中宫聿修陰教則坤儀式固鼎命惟永又臣聞 人不得預於國政也伏願陛下鑒古人之言察古人之意 古人譬以牝雞司晨惟家之索易曰无攸遂在中饋言婦 乘陽違天也以婦凌夫違人也違天不祥違人不義由是 施惟慢坐於殿上預聞政事臣愚悉選列辟詳求往代帝 妹喜曾桓滅國感以齊媛伏見陛下每臨朝聽政皇后必 王有與婦人謀及政者莫不破國亡身傾斬繼路且以陰 以社稷為重下以蒼生在念宜令皇后無往正殿干預 旦まれ

欽定全唐文 卷一百七十五 莫大棄惡故孔子曰執左道以亂政者殺假鬼神以危人 故得出入禁圍撓亂時政陛下又輕騎微行數幸其室上 者殺今慧範之罪不殊於此也若不急誅必主變亂除惡 務本去邪勿疑實願天聰早加裁貶 微臣竊見宋璟奏張昌宗令李宏泰占有天分及有天子 下媒騎有虧尊嚴臣當聞與化致理必由進善康國寧人 自宜粉骨碎肌以答殊造豈得包藏禍心有此占相陛下 氣請禁身勘當恩勒不允者但昌宗無德無才謬承思龍 請窮治張昌宗疏

皇天降怒非唯陛下故誅違天不祥乞陛下裁擇原其本 以簪履恩久不忍加刑昌宗以逆亂罪多自招其咎此是 敢言縱使昌宗元無此心今見頻遭事迫亦當不日為亂 則期於必遂元無悔心縱雖奏聞情實難恕此而可拾誰 能計疑惑聖心今果遂其所謀陛下何忍不察若昌宗無 奏以防事敗事敗即言奏訖不敗則候時為遊此乃姦臣 欽定全事文 卷一百七十五 况復先有包藏又昌宗經勘當已前其心或防後則雖 此占相奏後不合更與宏泰往還尚令修福復擬禳厄此 其可刑陛下黨而不誅養成其惡臣恐更有為逆者無人 柜方範 張東之 九

察御史神功初累拜荆州大都督府長史長安中召還狄 東之字孟將襄州襄陽人少補太學生第進士累補青城 爲陛下縱成其亂也臣聞父在子稱尊者尚爲逆子君在 得計人亦以為應運即不勞兵甲天下皆從萬方機之以 此懼勢仍傾朝況經兩度事彰天恩並垂捨有昌宗自為 臣圖天分是為逆臣臣逆不誅社稷其亡矣伏請付驚害 丞永昌元年以賢良徵時年七十餘矣試策第一擢拜監 鳳閣三司考竟其罪 張東之

欽定全唐文 卷一百七十五 書鳳閣鸞臺三品封漢陽郡公遷中書令監修國史進封 漢陽郡王加特進令罷知政事授襄州刺史尋爲武三思 遷鳳閣侍郎中宗即位以誅張易之昌宗功擢拜天官尚 深自生人以來泊於後漢不與中國交通前漢唐蒙開夜 臣某言臣伏聞姚州者古哀牢之舊國絕域荒外山高水 諡曰文貞建中初又贈司徒 所構貶新州司馬憤志卒年八十二景雲元年贈中書令 仁傑薦為司刑少卿遷秋官侍郎尋同鳳閣鸞臺平章事 請罷姚州屯戌表 張東之

亮南征之後國以富饒甲兵充足由此言之則前代置郡 受役蠻夷肝腦塗地臣竊為國家惜之昔漢以得利旣多 其利頗深今鹽布之稅不供珍奇之貢不入戈戟之用不 盆軍儲使張伯岐選其勁卒利兵以增武備故蜀志稱自 實於我行實貨之資不輸於大國而空竭府庫驅率平 秦南通交趾奇珍異實進貢歲時不關劉備據有巴蜀常 郎填作而哀年不附至光武末年始請內屬漢置永昌郡 以甲兵不充及備死諸葛亮五月波瀘收其金銀鹽布以 以統理之乃收其鹽布擅罽之稅以利中土其國西通大

起留兵運糧為患更重忽若反叛勞費更多但粗設紀綱 亮言置官留兵有三不易大率以置官夷漢雜居猜嫌必 老母幼子哀號望祭於千里之外於國家無絲髮之利在 作歌曰思博南越蘭津渡蘭倉為他人蓋譏漢貪珍奇鹽 んこうできているこうこう 耗國儲費用日廣而使陛下之亦子身膏野草骸骨不歸 **恐博南山涉蘭倉水更置博南哀牢二縣蜀人愁怨行者** 百姓受終身之酷臣竊為國家痛之往者諸葛亮破南中 布之利而為蠻夷之所驅役也漢獲其利人且怨歌今減 使其渠率自相統領不置漢官亦不留兵鎮守人問其故 張東之

蠻所殺前朝遣郎將趙武貴討擊貴及蜀兵應時破敗瞧 類無遺又使將軍李義總等往征郎將劉惠基在陣戰 **陵縣主簿石子仁奏置之後長史李孝讓辛文協並為羣** 惟知詭謀狡算恣情割剝貪切到暑積以為常扇動首果 有二千餘户見散在彼專以掠奪為業姚州本龍朔中武 遣成朋黨折支韶笑取媚蠻夷拜跪趨伏無復慚恥提挈 自然安定臣竊以亮之此策妙得羈縻蠻夷之術今姚府 多分白厚文 名一下七十五 子弟唱引兇愚眾會蒲博一擲累萬劍南逋逃中原亡命 所置之官既無安邊靖寇之心又無葛亮且縱且擒之技

驗至垂拱四年蠻郎將王善實見州刺史爨乾福又請置 其州遂廢臣竊以諸葛亮稱置官留兵有三不易其言乃 南置鎮七所遣蜀兵防守自此蜀中騷擾於今不息且姚 次にと与し、まニョヒトス 姚州使隸屬府歲時朝覲同之蕃國瀘南諸鎮亦皆廢於 道路封殺不能禁止臣恐一朝驚擾為禍轉大伏乞省罷 後錄事參軍李稜為蠻所殺延載中司馬成琛奏請於瀘 州奏言所有課稅自出姚府管內更不勞擾蜀中及置州 化俗防姦無恥無厭狼籍至此今不問夷夏負罪並深見 府總管五十七州巨猾遊客不可勝數國家設官分職以 張東之

すらんことう ラニーー・ラ 選擇清良宰牧以就理之臣愚將爲穩便 問朕聞體國經野取則於天文設官分職用立於人紀名 新俾用才委能靡失其序以事効職各得其長至於考課 實相副自古稱難則哲之方深所不易朕以薄德認荷昌 圖思欲追逸軌於上皇拯羣生於季俗澄源正本式啟維 之方猶迷於去取黜陟之義尚惑於古今未知何帝之法 制可遵何代之沿革斯東此雖或養束帛每貫於邱園朝 北置關百姓自非奉使入蕃不許交通來往增屬府兵 對賢良方正策

文三三三三三三三三三三三· 張東之 徵求無厭誤及厮賤微臣材朽學淺誠不足以膺嚴旨揚 對臣聞仲尼之作春秋也法五始之要正王道之端微願 受天明命統輯黎元載黃屋負黼展居紫宫之邃坐明堂 闡幽昭隆大業瀍洛之功旣備範圍之理益深伏惟陛下 將親覽 翹錯新未獲於英楚並何方敬塞以致於茲好爾深謀朕 天者羣物之祖王者受命於天故則天而布列職天生蒸 天麻雖然敢不盡芻澆罄狂瞽悉心竭節昧死上對臣聞 順陽和以布政攝三吏而論道雍容高拱金聲玉振

蘊者所以扶助聖德撫寧兆人也臣觀今朝廷含章瞻博 自傷已有能致之資而天不致也陛下有能致之資而天 久矣孔子曰鳳鳥不至河不出圖吾已矣夫師說曰聖人 以神文大矣哉聖人之鴻業也臣聞河圖洛書之不至也 於固鳳凰集於庭慶雲出神龍見其餘草木煙露之祥不 且安其業臣聞瑞者上天所以申命人主也故使麒麟遊 可勝紀陛下日慎一日雖休勿休故天申之以禎石告之 民樹之君長以司牧之自非聰明睿哲齊聖廣淵不能使 人樂其生家安其業陛下德自天縱慈憫元元旣樂其生 ノーノニアジニ 欽定全唐文 卷一百七十五 張東之 今善談今者必求之於古臣竊以當今之務而稽之往古 生於季俗澄源正本式啟維新臣聞善言古者必考之於 為天子前史美之稱曰盡善盡美雖甚盛德無以加此陛 之士鯁言正議之臣陛下誘而進之並践丹地伏青規雅 以往古之跡而比之當今以為三皇神聖其臣不能及故 下彰善去惡昭德塞達萬萬於虞舜自託薄德愚臣何足 以望清光而敢有議哉制策曰思欲追逸軌於上皇拯羣 物於階庭者矣昔舜舉十六相去四凶人有大功二十而 雍昂昂雲屬霧委鸞審鳳振佩金鳴玉曳朱被揚翠綾充

皇之業也臣以今之刺史古之十二牧也今之縣令古之 僚師師問不成人此羣臣之能奉職也書曰元首明哉股 能及也今朝廷之政上令下行如身之使臂臂之使指百 申嚴配置法極以濟窮冤此前聖所不能為非羣臣之所 誰可者仲曰魯侯肅共明神敬事者老必各於故實問於 於疑親之陛下刊列格正爰書修本業者新誠建總章以 **肽良哉庶事康哉故臣以為陛下有三皇之位而能隆三** 百里君也有官聯馬有社稷馬可謂重矣任非其材其害 亦重矣昔周宣王欲訓其人問於樊仲曰吾欲訓人諸侯

遺訓乃立之晉之名臣亦言舍人洗馬一 措縱欲安能問之遺訓選異一時之高材非萬邦之俊傑 御史萬邦之俊哲若出於宰牧頌聲與矣由此言之則古 欽定全唐文||《卷一百七十五 不顧康恥抵網觸羅覆車相次孔子曰旣得之患失之首 於是多其僕妾廣其資產齒角兩東足翼雙備蹈瑕履穢 牧州宰縣者不易其人也自非惠訓不倦動願天心者未 神輕理慢法安肯敬事者老取舍自便安能求之故實舉 以熟階在職莫計清濁無選藝能負達聖誠安肯肅恭明 可委以五符之重百里之寄今則不然多由門資擢授或 張東之 時之高選臺郎

之吏也制策曰俾用才委能靡失其序以事劾力各得其 惠失之無所不至矣故臣以為陛下有三皇之人無三皇 考績之規甚者臣以爲猶舟浮於水車轉於陸雖百王無 雖有沿革所取不殊期於不濫而已陛下取人之法甚明 雖百代可知也然則虞帝之三考黜陟周王之六康察士 夏禮所損益可知周因於殷禮所損益可知其或繼周者 條共貫雖有改制之名無不相因而立事孔子曰殷因於 知何帝之法制可遵何代之沿革斯衷臣聞皇王之制殊 長至於考課之方猶迷於去取點防之義尚感於古今未

受氏義先於睦親翼子謀孫事隆於長發朕以寡昧切奉 欽定全唐文《卷一百七十五 張東之 先靈墜典成與遺章畢觀思欲甄明譜系澄汰簪裾派別 本故七葉貂珥表金室之際十紀羽儀峻班門之躅保姓 易也今邱園已資英楚雲集故塞之路豈愚臣所能輕云 問朕聞軌物垂訓必隨正於因生開國承家理崇光於敦 宗輔果易晉卿之號巨君之姓曾非馭鶴之苗元海之家 淄澠區分士庶至如陳田互出號郭俱開東哲改漢傳之 也謹對 對賢良方正策第二道

字為氏後代因之亦以為姓田陳號郭以聲近而遂分輔 果東哲以避難而更改王莽以田王為氏元海因漢甥 對臣聞保姓受氏明乎典訓或因地以賜姓或因官而命 冬富學允迪哀然之學宜揚鏘爾之詞至若北郭南宫本 諒非擾龍之族永言紕繆良用憮然子大夫十室推英三 氏或官以代功亦以官族或所居之地因以爲氏諸侯之 析且顯指歸式副對揚朕將親覽 因何義三鳥五鹿起自何人公孫之由司馬之姓咸加辨 子稱爲公子公子之子稱爲公孫公孫之子乃以其王父!

六藝之英窮百代之要淑問揚天地元情貫幽顯黃竹清 烏之始司馬司徒是日因官公孫叔孫春秋備載陛下盡 欽定全唐文 卷一百七十五 族騷括分南北之號充宗爲五鹿之先應氏著書具表三 天三年之喪二十五月不刊之典也謹按春秋魯僖公三 浴淳和切承至。訓名聞於聖聽言奏於關前謹對 苕發登義望之服臨起帝典而孤立孕皇墳而獨秀臣沐 劉氏四葉仁非解愠豈若睿思瓊敷同兩露之霑漬神機 歌詞窮五際白雲高唱文包萬象昔曹門二祖道媳由庚 駁王元感喪服論 張東之

蓋公為太子已行婚禮故傳稱禮也公羊傳曰納幣不書 左傳曰禮也杜預注云僖公喪終此年十一月納幣在上 十三年十二月乙已公薨文公二年冬公子遂如齊納幣 也按經書十二月乙已公薨杜以長思推乙已是十一 冬十二月纔二十四月非二十五月是未滿三年而圖婚 此何以書譏喪娶在三年之內何以譏三年之內不圖婚 問名納吉皆在三年之內故譏何休以公十二月薨至此 二月士婚禮納采納徵皆有元纁東帛諸侯則謂之納幣 何休注云僖公以十二月薨至此冬未滿二十五月納采

我君僖公傅曰緩也諸侯五月而葬若是十二月薨即是 欽定全唐文 卷一百七十五 張東之 考校豈公羊之所能逮况邱明親受經於仲尼平且二傳 十二月而滿二十五月故邱明傳曰禮也據此推步杜之 別此則春秋三年之喪二十五月之明驗也尚書伊訓云 五月不得言緩明知是十一月薨故注僖公喪終此年至 十二日非十二月經書十二月是經誤文公元年四月葬 嗣王祇見厥祖孔安國注云湯以元年十一 何杜所爭惟爭一月不爭一年其二十五月除喪由來無 成湯旣殁太甲元年惟元祀十有二月伊尹祀於先王奉 月崩據此則

則成王崩至康王麻冕黼裳中間有十月康王方始見廟 祥託十二月朔日加王冤服服吉而歸亳也是孔言湯 知湯崩在十 日也越七日癸酉伯相命士須村是四月二十五日也 日也翌日乙 有二月朔伊尹以冤服奉嗣王歸於亳是十 月之明驗顧命云四月哉生魄王不懌是四月 月小祥三年十一 記諸侯出廟門俟伊訓云祗見厥祖 丑王崩是十七日也丁卯命作冊度是 月淹停至險訖方始十二月祇見其 一月大祥故太甲篇中云惟元

終又閒傳云期而小祥食菜果又期而大祥有醢醬中月 痛未盡思慕未忘然而服以是斷之者豈不送死有已復 咸在則崩及見廟殷周之禮並同此周因於殷禮損益可 炎定全喜文 卷一百七十五 年也九月七月之喪三時也五月之喪二時也三月之喪 月之明驗也禮記三年問云三年之喪二十五月而畢哀 生有節又喪服四制云變而從宜故大祥鼓素琴告人以 知也不得元年以前别有一年此尚書三年之喪二十五 而禪食酒內又喪服小記云再期之喪三年也春之喪二 一時也此禮記三年之喪二十五月之明驗也儀禮士虞 張東之

者並禮經正文或周公所制或仲尼所述吾子豈得以禮 弟子戴德戴聖慶傅三人合以正經及孫卿所述並相符 記戴聖所修輒欲排毀漢初高堂生溥禮旣未周備宣帝 歎息其二十五月先儒考校惟鄭康成注儀禮中月而禪 會列於學官年代已久今無端構造異論旣無依據深可 周公所制則儀禮三年之喪二十五月之明驗也此四驗 時少傅后倉因淹中孔壁所得五十六篇著曲臺記以授 以中月間一 云期而小祥又期而大祥中月而禪是月也吉祭此禮 月自死至禪凡二十七月又解禪云禪言澹

禪旣復常則二十五月爲免喪矣二十五月二十七月其 之喪義同過除先王立其中制以成文理是以祥則編帶 一級麻之服襲錦縠之衣行道之人皆不忍也直為節之以 懷未盡而解踊之情已歇祥而原然者蓋哀傷之痛已除 議本同編以子之於父母喪也有終身之痛創巨者日久 詹然平安之意今皆二十七月復常從鄭儀也踰月入潭 欽定全唐文《卷一百七十五 素糾禪則無所不佩今我子將徇情棄禮實為乖僻夫去 而孤巍之念更起此皆情之所致豈外飾哉故記曰三年 痛深者愈遲豈徒歲月而已乎故練而慨然者蓋悲慕之 張東之 亭

禮無可奈何故由也不能過制為姊服鯉也不得過期哭 漸入勝境非勞終年花花虛肆莠言所有掎擿先儒願且 以時消息 代挺生模範來裔宮牆積仞未易可窺但鑽仰不休必當 其母夫豈不懷懼名教逼已也至若孔鄭何杜之徒並命